

Pravo na informacije

Ombudsmeni BiH pozvali su javne organe da ispunjavaju svoje obaveze iz Zakona o slobodi pristupa informacijama povodom Međunarodnog dana slobode pristupa informacijama, koji se obilježava danas.

Naglašavaju da je ovo osnovno demokratsko pravo građana veoma važno sredstvo u osiguravanju vladavine prava i dobrog upravljanja.

- Analiza žalbi koje građani upućuju ukazuje da su prisutne identične slabosti u primjeni Zakona o slobodi pristupa informacijama u Bosni

i Hercegovini na koje ombudsmeni ukazuju već duži niz godina, a što se prije svega odnosi na nedosljednu primjenu instrumenata prava kojima se reguliše oblast slobode pristupa informacijama u BiH, navode u saopćenju Ombudsmeni BiH.

Posebno žele da ukažu na važnost osiguranja balansa između prava na pristup informacijama, kao i prava na zaštitu privatnosti, što zahtijeva da je kontrolor informacija u svakom pojedinačnom slučaju dužan provesti test javnog interesa.

